



## Trodnevna obuka za policijske službenike

U prostorijama Državne agencije za istrage i zaštitu (SIPA) u Istočnom Sarajevu jučer je zvanično počela trodnevna obuka za ukupno 22 policijska službenika Federalne uprave policije, MUP-a Republike Srpske, policije distrikta Brčko i kantonalnih ministarstava unutrašnjih poslova.

Obuku su organizirali SIPA i Međunarodni program Ministarstva pravde SAD-a za obuke i pomoć u oblasti kriminalističkih istraga (ICITAP), uz podršku misije OSCE-a u BiH, a u okviru obuke biće obrađene različite teme iz oblasti metodike istraživanja i dokazivanja krivičnih djela ratnih zločina i krivičnih djela kažnjivih po međunarodnom humanitarnom pravu.

Učesnicima su se obratili direktor SIPA Perica Stanić, direktor ICITAP-a Charles W. Bennett, direktor Odjela za ljudsku dimenziju misije OSCE-a u BiH Ken Palmer i šefica Posebnog odjela za ratne zločine i zamjenica glavnog tužioca BiH Gordana Tadić.

Direktor ICITAP-a istakao je značaj zajedničkog rada na ovim predmetima i rekao da samo nepristrasne i profesionalne istrage ratnih zločina vode pravdi, a pravda miru, koji vodi napretku i prosperitetu za sve građane BiH.